



138
IMMORTALI MEMORIÆ
VIRI

MAGNIFICI, SVMMÆ REVERENDI,
AMPLISSIMI atq; EXCELLENTISSIMI

DOMINI

THOMÆ ITTIGII,

SS. THEOLOGIÆ DOCTORIS ET PRO-
FESSORIS PVBLICI CELEBERRIMI, CONSISTO-
RII ELECTORALIS ET DVCALIS ASSESSORIS DI-
GNISSIMI, CANONICI MISENENSIS GRAVISSIMI,
PASTORIS AD S. NICOLAI VIGILANTISSIMI, ET
DIOECESEOS LIPSIENSIS SVPERINTENDEN-
TIS LONGE MERITISSIMI,

THEOLOGI CONSVMMATISSIMI,

PRÆCEPTORIS, FAVORIS AC PATRONI,
NEC NON HOSPITIS QVONDAM SVI, AMANTISSIMI
ATQVE COLENDISSIMI

VTIMVM HOC DEBITÆ PIETATIS ET OBSERVANTIÆ MONIMENTVM

IPSO EXEQVIALIYV DIE XV. APRIL. A. clo dcc X.

CONSECRAVIT

M. CHRISTIANUS REINECCIUS,

SS. THEOL. BACCALLAVREVS,

LIPSIÆ

LITERIS IOH. CASP. MULLERI.



Ipsia, plange Virum, quem tota Ec-
clesia plangit,
Quem dolet immodicis illacry-
mando modis.
Plangite Pierides, fluibundaque lu-
mina fletu,
Tristia namque iubent fata, riga-
te pio.

Plangite, docta cohors, tepidisque vacate querelis,
Alma suo gremio quam Philurea foveat.
Plangite, quem Ligeris, Thamefis sinuosus & acris,
Quemque legens Belgas luget obisse Mosa.
Occidit æternis quem dudum gloria scriptis
Æternum statuit quem vetuitque mori;
Eheu! ITTIGIUS Venerabilis omnibus oris,
Doctæ queis Doctis accumulatur opes.
Ille gravis Præful sacrae columenque Sionis,
Gloria, Deliciæ, Spes pia, dulce Decus.
Occidit exemplar priscorum nobile morum,
Heu dolutura nimis secla futura vicem!
Eusebie verique tenax & nescia fastus,
Cana Patrum cana cum pietate fides:
Mens placidis adsueta modis, nec durior ulli,
Dives & auxiliis consiliisque potens:
Ingenium Sophiæ divinæ dotibus amplum,
Quas, nisi præsentî Numine, nullus habet:
Oraque Cecropiis labiis stillantia mella,
Dogmata cum populo proposuere sacra;

Qua-

Qualibus insignis Byzantius, aureus ore
 Polluit ille Pater, nomen ab arte trahens,
 Qualibus eloquio Tertullius, inclyta qualis
 Dicitur aut Libyci suada fuisse Senis:
 Malleus hæresium, contra quas ore tonabat,
 Discutiens calamo schismata vafra pio:
 Et scelerum terror, pietatis tutor & auctor,
 Juris amor placidi, nequitiaëque pavor,
 Qualis in Hacidas *Jeremie* Zelus & ardor
 Detonuit, sævum mentè ferumque genus,
 Ænea quando illis adamanteque pectora duro
 Exprobrat, & Saxis asperiora Deus.
 Tot bona, quot tempus vix omne reducet in orbem,
 Horula lethifero parva sopore rapit.
 Tot conduntur opes, pereunt tot funere in uno
 Munera, queis seclum vix satis omne foret.
 Durius hoc, lacryma quam quod lenire queamus,
 Et, nisi quod crescit, nil juvat illa, dolor,
 Tempora non aliter Te nostra dolentque gemuntque,
 Ac Dominum *Eliam* flebat *Elisa* suum;
 Qui simul impositus rutilantibus igne quadrigis
 Angelicos inter pergit ad astra choros,
 Heu mihi! quid misero solaminis, inquit *Elisa*,
 Restat adhuc, Domino sic abeunte meo?
 Nilne movent miseræ te tristia fata Sionis?
 O Patèr, o gentis currus equesque tuæ!
 Talibus orba suum prodens Ecclesia luctum
 Adspicit ITTIGII pallida membra PATRIS,
 Quem sibi præ multis unum superesse Statorem
 Gaudebat puri dogmatis atque Ducem.
 Quid mihi nunc fiet, cum Defensore carendum
 Hoc est, quo gravior non fuit alter? ait.
 Ipse ego plango Patrem, (poterat quid amarius esse,
 Quidve magis poterat me rapuisse mihi?)
 Imo Patris tenerum longe qui vicit amorem,
 Hospitio facilem, consilioque gravem.

O mi-

O mihi si liceat porro venerabile pectus
 Prosequier, solitis devenerando modis!
 Orata si fuerint, hæc cum sacra munera primum
 Susciperet, numeris edita vota piis:
LEHMANNVM seris exæqua vrvividus annis,
*CARPZOVIVM firmis viribus alter age.**
 Ast abiit. Sic fata volunt, farùmque Magister,
 Votaque successu proh! caruere suo.
 Attamen æquanimes obitum quid ferre moramur,
 Accidit ex votis qui precibusque Viri?
 O mihi si liceat palatia pacis adire,
 Atque brevi socium pacis adesse tuæ!
 Sic gemit ac optat NEVMANNI quando canebat
 Funera Theiologi, Leucoris Alma, Tui.
 Euge, *Beate Pater*, licuit jam linquere mundum
 Euge datur placida Te quoque pace frui.
 Sabbathâ *Judicio* sua quæ cognomina debent,
 Nuncia discessus grata fuere Tibi;
 Inclyta *Palmarum* merito nunc festa sequuntur,
 Tu quibus ad *palmas*, Splendide Victor, abis.
 Ergo nec invideo requiem, neque dulcia Jesu
 Oscula, queis vitam ducis agisque novam,
 Nec, superos inter celebras quos mille triumphos,
 Miles in hoc olim fortis & acer agro.
 Quin potius grator? cœlestes grator honores,
 Quos Tibi constituit, præmia sancta, Deis.
 Ast mihi, quod credas, dum Spiritus hos reget artus,
 Non animo cedit suavis imago Tui,
 Non ingens desiderium: non blanda voluntas,
 Non affabilitas, sedulitasque Tua.
 Semper honos, nomenque Tuum, laudesque manebunt,
 Sed rivos claudio: Molliter ossa cubent!

* Versus Germanici erant.

Sey muthig/ sey gütlich in allen Geschäften/
 Sey LEHMANN an Jahren/ sey CARPZOV an Kräften.

78 M 496

ULB Halle 3
001 618 148



TA-506
K118
1017





138

IMMORTALI MEMORIÆ VIRI

MAGNIFICI, SVMMÆ REVERENDI,
AMPLISSIMI atq; EXCELLENTISSIMI

DOMINI THOMÆ ITTIGII,

SS. THEOLOGICÆ DOCTORIS ET PRO-
FESSORIS PLEBERRIMI, CONSISTO-
RII ET ACADEMICI HONORIFICI, CIVI-
GNISSENENSIS GRAVISSIMI,
PASTORIS ECCLESIAE S. MARTINI
DICENSIS SVPERINTENDEN-
TIS MERITISSIMI,

THOMÆ ITTIGII, NSVMMATISSIMI,

PRINCIPALIS AUCTORIS AC PATRONI,

NONNUNCIATI, CONDAM SVI, AMANTISSIMI
NATIVITATIS COLENDISSIMI

SVB OBSERVANTIAE MONIMENTVM
VLTIMO DIE XV. APRIL. A. cld lccc X.

SECREAVIT

FRANCISCVS REINECCIUS,

SECRETARIVS BACCALLAVREVS,

PSIÆ

FRANCISCVS CASP. MULLERI

